

## 佛說應法經

西晉三藏竺法護譯

聞如是一時婆伽婆在拘類法治處彼時佛告諸比丘謂今此世間如是婬如是欲如是愛如是樂如是喜但不愛不念法敗壞愛法念增彼如是婬如是欲如是愛如是樂如長喜而令今不善法轉增愛善法轉減我法甚深難見難覺難了難知而令今不愛善法減愛善法增與此四法相應世間有此云何爲四有與法相應現在樂後受苦報有法與相應現在苦後受樂報有法與相應現在苦後受苦報有法與相應現在樂後受樂報云何法相應現在樂後受苦報或有一自樂歡喜行於殺因殺以爲樂以爲喜彼喜不與取婬欲行婬言至邪見棄捨離欲行婬言至邪見因邪見以爲喜以爲樂此

如是身樂意樂不善爲不善亦不成神通不至等道不與涅槃相應此法相應現在樂後受苦報云何法與相應現在苦後受樂報或有一自苦行不樂行棄於殺因棄殺以爲苦以爲不喜彼自行苦不喜行不與取婬欲行婬言至邪見因棄捨邪見爲等見以爲苦以爲不喜如是身行苦意行苦善爲善成神通至等道與涅槃相應與此法相應現在苦後受樂報云何法相應現在苦後受苦報或有一自行苦自不喜行於殺因殺故以爲苦以爲不喜彼自苦自行不喜不與取婬欲行婬言至邪見因邪見有不樂有不喜如是身行苦意行苦不善受不善不成神通不至等道不與涅槃相應此法相應現在苦後受苦報云何法相應現在樂後受樂報或有一自行樂自行喜棄於殺因棄殺以爲樂以爲喜彼喜彼樂不與取婬欲行婬言至邪見棄捨離欲行婬言至邪見因棄捨離邪以爲樂以爲喜如是身樂行意

樂行行善爲善成神通至等道與涅槃相應此法相應現在樂後受樂報謂彼此法相應現在樂後受苦報非是慧慧者說不知如真與此法相應現在樂後受苦報彼如是不知如真彼行不棄彼行不棄故不愛不樂法轉增愛法樂法轉減猶若阿摩尼藥色具足香具足味具足彼雜於毒有人有患便飲之彼飲可口飲時不住咽飲已變爲非藥如是與此法相應現在樂後受苦報非智慧智慧故不知如真與此法相應現在樂後受苦報彼不知如真彼行彼不棄彼行不棄者不愛不樂法轉增愛法樂法轉減此法非智慧謂應此法現在苦後受苦報非智慧非智慧不知如真者未行法當行應行法當不行彼未行如真與此法相應現在苦後受樂報彼不知如真亦不行彼棄捨彼不行棄捨者不愛不樂法轉增愛喜法轉減此法非智慧彼法相應現在苦後受苦報非智慧非智慧與此法相應現在苦後受苦報不知如真彼行不棄

彼行不棄者不愛不樂法轉增愛法樂法轉減猶若大小便雜毒已有人有病而取飲之彼飲時咽苦不下及臭無味飲時壞咽飲已變爲非藥如是應此法現在苦後受苦報不知如真謂應此法現在苦後受苦報彼不知如真彼行不棄捨彼行不棄捨已不愛不喜如真彼行不棄捨彼行不棄捨已不愛不喜

若三

十九

法轉增愛喜法轉減此法非智慧謂應此法現在樂後受樂報非智慧慧者所說不知如真應此法現在樂後受樂報彼不知如真彼不行棄捨離彼不棄不捨離不愛不喜法轉增愛喜法轉減法非智慧彼行法知如真彼不行法知如真彼行法知如真彼不行法知如真者未行法當行應行法當不行彼未行經當行應行法當不行者不善法轉增善法轉減此法非智慧謂彼應法現在樂後受苦報智慧慧者所說知如真彼應此法現在樂後受苦報彼如是知如真彼不行彼棄捨離已彼更不行棄捨離不善法減

善法轉增此法智慧謂彼應此法現在苦後受樂報是智慧者所說知如真彼應此法現在苦後受樂報彼如是知如真彼行彼不棄不行不棄捨已不愛不喜法轉減愛喜法轉增此法是智慧猶若大小便種種藥草雜有人有患取飲之彼飲時不住咽飲時壞咽

飲已應如藥法如是應此法現在苦後受樂報是智慧者所說知如真謂應此法現在苦後受樂報彼如是知如真彼行不棄捨彼行不棄捨已不愛不喜法轉減愛喜法轉增此法是智慧謂彼應此法現在苦後受苦報是智慧者所說知如真謂應此法現在苦

後受苦報彼如是知如真彼不行棄捨離不行棄捨離已不愛不喜法轉減愛喜法轉增此法是智慧謂應此法現在樂後受樂報是智慧者所說謂應此法現在樂後受樂報彼如是知如真彼行不捨離不行不捨離已不愛不喜法轉減愛喜法轉增此法是智慧

猶若蘇蜜種種藥雜有人有病取便飲之彼飲利咽飲時不住咽飲已應如藥法如是應此法現在樂後受樂報是智慧者所說知如真謂應此法現在樂後受樂報彼如是知如真彼行不捨離彼行不捨離已不愛不念法轉減愛念法轉增此法是智慧者所說

彼行法已知如真不行法已知如真彼行法知如真不行法知如真不行法便不行應行法當行彼不行法便不行應行法當行者不善法轉減善法轉增此法是智慧有應此四法世間有此說此者是所因說佛如是說彼諸比丘聞世尊所說歡喜而樂

### 佛說應法經

尊上經

二十六

若三

釋迦疲

中居  
正反

練若

下而  
反

鶲鷺經

孽耳觸燒  
下音達又  
闕  
呼或反  
哦五何  
反

